

shila, pala iv zhi keya! Prestie tuke!

– Ka zha! Ka zha!

Zhala i phuri. Iv zhi keya. Inkyola.

– Mayko! Devla khama!

Vsichko phuterdyola lake. Nanay iv, nanay nishto.

– O bahtalo Del shunel man! Devla, Devla! Shun man! Kate bichhaek
man mi bori? Shun man Devla katka! Li man ziani katka! Te na irina
napale! Me ka kerav katka! Man ruva na han! Man baichhe na han! Mar
kaka na han, zhivotna! Bahtalo si man o Devel. Shundyas man! Devlesk
buti!

Zhala i phuri, rodel pes. E kashta lake avena. E dumeste anena len
Avela peske veselo, veselo. E kashta... Bahtalo o drom, mukela la.

– So achhilo, chha!

– Mi so tol? Mi keya buti, keya buti.

– A-a-a, nachi tu me daya but tormozizeya! Mashkar ivend bichhales
la ...! Mange na achhi da phukavden! Te zhal ko iv, lapavitsa! Te zhal te
anel tuke yagode?! Te anel tuke kashta?! A tu te paldines la! Shunes
mande! Zhi avdies te dayake na phuvdyom kaya lafe. Ayde ushti! Akana
ti day te zhal kashtenge.

– Kate bichhales man? Ti day si po-zorai!

– A-a-a, po-zorai?! Nachi me khereste alen i „po-zorai“! Dikhya me
daya te umorines! Mi dayori! Chhip te isi – muy nanay! Ayde, akana ti day
te zhal.

– Ma bichhal man, be mochho!

– Nanay, nanay, nanay! Le o sholo! Avri!

Lela oy o sholo. Zhala peske avre... ekhe goneste. A temno si -
devleske buti. Zhala. Taman inkyola avrel i mahala, prastala koda iv. Kola
iv, kola lapavitsa, kola sapa, kola gushtere, kola zhambe, kola... upral late
A kiya? Gele e halke, shunde, gele anela la vordasa.

– So achhilo akana?

– E-e-e, tu but tormozindyan me daya, ama ake dikh! Mi day si pale na
mesto. Li mi day ka merel. Nikon nay te achhyol. Kon na byanilo – ov nay
te merel. Ama o bahtalo Devel na terpindyas. Dikh akana! Me dayake
phutardyas o Devel drom, shukaripe kola, a te dayake – dikh! E sapa, e
gushturitse andela khere e sapentsa, e gushturitsentsa andela. Nashi te
uhteel. Pashile upral late. Upral e phure manusha na chhivena pes, samo
upral la. Dinela angali e sapa, changendar, phovendar – andela.

E halke phuterde la, kerde la, lachharde la.